



~C42 Maratón
Atlántica



REGULAMENTO

ART. 1: DATA

O Concello da Coruña e a Federación Galega de Atletismo organizan o próximo **15 de abril de 2018**, o **VII Maratón Coruña42**, cunha distancia homologada de 42.195 metros, que coincidirá co **Campionato de Galicia Absoluto e de Veteranos Individual e de Clubs**, incluída no calendario nacional da RFEA. Paralelamente, celebrarase **unha proba de 10 km**.

ART. 2: HORARIOS

A saída da carreira terá lugar ás 08:30 h.

ART. 3: CIRCUÍTO

O percorrido para a carreira de Maratón está situado no centro urbano da cidade da Coruña. Tanto o circuíto da carreira de Maratón (42.195 m.), como o da carreira de 10 km. están homologados pola Real Federación Española de Atletismo (R.F.E.A).

O circuíto estará completamente pechado ao tráfico e acoutado con valos e outros elementos delimitadores naqueles tramos nos que non exista unha diferenciación natural polo mobiliario urbano. Os únicos vehículos que poderán seguir a proba serán os designados pola Organización.

As carreiras terán lugar unicamente pola calzada do tráfico rodado, sen utilizar ningunha zona peonil. Está prohibido o uso como zona de carreira das beirarrúas, sebes centrais, zonas axardinadas, etc. O incumprimento desta norma, así como o recortar sobre o trazado oficial, poderá supoñer a descualificación do infractor.

ART. 4: CONTROL TÉCNICO DA CARREIRA

As carreiras estarán controladas polo Comité Nacional de Xuíces da RFEA e o Comité Galego de Xuíces da FGA.

ART. 5: PECHE DE CONTROL DA CARREIRA

O peche da proba de Maratón realizarase ás 14.00 horas (5.30 horas despois da súa saída).

Así mesmo, **establecerase un tempo de 2 horas e 45 minutos para o paso polo medio maratón**.

Pasado o tempo correspondente a tanto ao primeiro tramo da carreira, como a distancia total, á persoa participante que siga en carreira deberá retirarse do circuíto oficial de competición.



ART. 6: CATEGORÍAS

De acordo coa regulamentación da R.F.E.A. (Real Federación Española de Atletismo) realizaranse as seguintes clasificacións para o Maratón Coruña42:

CATEGORÍA	ANO DE NACEMENTO
Sub 23	1996-1997-1998
Sénior	Dende o 1995 e anteriores ata veteranos.
Máster 1	De 35 a 39 anos cumpridos no día da proba.
Máster 2	De 40 a 44 anos cumpridos no día da proba.
Máster 3	De 45 a 49 anos cumpridos no día da proba.
Máster 4	De 50 a 54 anos cumpridos no día da proba.
Máster 5	De 55 a 59 anos cumpridos no día da proba.
Máster 6	De 60 a 64 anos cumpridos no día da proba.
Máster 7	De 65 anos cumpridos no día da proba, en adiante.
Discapacitados en cadeira de rodas	Nados/as en 1998 e anos anteriores

Atletas con discapacidade: En cumprimento do previsto no artigo 16 e 51.6 da LEI 3/2012, do 2 de abril, do deporte de Galicia, incorpórase a participación de atletas con discapacidade en cadeira de rodas.

ART. 7: INSCRICIÓNS E COTA

- Inscripción en liña:** A través da pasarela de pago inserida na páxina online da Federación Galega de Atletismo www.carreirasgalegas.com. Estará operativa dende a publicación deste regulamento, **ata as 23:59 horas do 8 de abril de 2018**.
- Inscripción presencial:** Cubrindo a folla de inscrición e abonando a correspondente cota, no Departamento de Deportes do Corte Inglés. Informarase da localización dos centros e datas de inscrición.
- Prazo de inscrición:** **dende a publicación deste regulamento, ata as 23:59 horas do 1 de abril de 2018**. Por razóns organizativas de recursos técnicos e humanos, así como pola calidade do servizo, é aconsellable que os participantes formalicen a súa inscrición dentro dos prazos establecidos
- Prazo extraordinario de inscrición:** Non obstante, e para todos aqueles que por causas alleas á organización non poidan formalizar a súa inscrición antes do 1 de abril, **terán a opción de realizala desde as 23:59 h do 2 de abril e ata as 23:59 h do 8 de abril**, cun incremento na cota de participación de 15 €, polo que a cota de participación sería de 40 €.



e) **As inscricións gratuítas para o Campionato Galego** terán que realizarse exclusivamente a través do sistema online da RFEA, <https://isis.rfea.es/sirfea2/>, **ata as 23.59 do 1 de abril de 2018** (ver circular correspondente)

f) **Non se aceptarán inscricións fóra dos prazos establecidos.**

g) **Cota da inscrición:**

FEDERADOS DA FGA DO CAMPIONATO	POPULARES E RESTO DE FEDERADOS	COTA
Inscrición gratuíta para os atletas con licenza da FGA debidamente dilixenciada	Ata o 1 de abril de 2018 ou ata chegar aos 1.500 inscritos	25 €
	Prazo extraordinario: do 2 ao 8 de abril de 2018	40 €

h) **Bonificacións:** 50% para maiores de 65 anos, posuidores do Carné Xove e persoas paradas. Para acreditar estas circunstancias é suficiente cunha declaración responsable, que se entenderá realizada no momento que se marque a opción "**solicito bonificación**", no formulario de inscrición en liña ou na folla de inscrición presencial; e enviar os documentos que se detallan a continuación, á Federación Galega de Atletismo mediante un e-mail ao seguinte enderezo: info@carreirasgalegas.com

- *Maiores de 65 anos: fotocopia do DNI.*
- *Posuidores do Carné Xove: fotocopia do DNI e do Carné Xove.*
- *Parados: fotocopia do DNI e informe de períodos de altas e baixas, expedido polo Servizo Público de Emprego (INEM) antes do día da inscrición na carreira ou fotocopia da tarxeta de desemprego.*
- *O prazo para o envío de documentos por correo electrónico **finaliza ás 24:00 h do 1 de abril de 2018.***

ART. 8: DEVOLUCIÓN PARCIAL DA COTA

Só se accederá á devolución parcial da inscrición, en caso de lesión ou enfermidade, se se presenta ou envía un certificado médico da persoa participante co correspondente diagnóstico, na Federación Galega de Atletismo (Praza Agustín Díaz 1 - Edificio Federacións. 15008 A Coruña), ou enviándoo por correo electrónico a info@carreirasgalegas.com. A devolución realizarase por transferencia bancaria en canto verifíquese a documentación médica presentada.

O importe da devolución virá determinado pola data de presentación do certificado médico:

- O **75% da cota** se se presenta unha semana antes da celebración da proba. **Ata o 8 de abril.**
- ou o **50%** se se presenta despois desa data e **ata o 13 de abril.**

No caso de non presentar o citado certificado, non se realizará ningún reembolso.

Para outros supostos xustificadas, a organización valorará se procede a devolución parcial da cota.



ART. 9: ENTREGA DE DORSAIS E CHIPS

Realizarase o venres 13 e sábado 14 de abril. As persoas corredoras inscritas serán informadas do lugar e horario da entrega.

ART. 10: UTILIZACIÓN DE DORSAIS E CHIPS

Os dorsais son persoais e intransferibles, e deben ir colocados na parte de diante de forma totalmente visible, sen dobraduras, e así se deberán levar durante toda a proba. O chip tamén é persoal e intransferible. A inobservancia deste artigo será motivo de descualificación.

Non serán admitidos pola Organización os corredores/as que non estean inscritos ou corran sen dorsal e chip, ou co dorsal e o chip correspondentes a outra carreira. Impedirase que teñan acceso á carreira en defensa dos dereitos dos regulamentariamente inscritos.

ART. 11: SISTEMA DE CRONOMETRAXE

A cronometraxe realizarase mediante o sistema de chips. Haberá varios puntos de control ao longo do percorrido. As persoas participantes que non cumpran co paso por todos os puntos de control, serán descualificadas se así o decide o xuíz árbitro da proba, coa consecuente non aparición nas listas de resultados oficiais finais.

Haberá marca oficial no paso do Medio Maratón, sempre e cando rematen a proba.

ART. 12. COLOCACIÓN PREVIA E CAIXÓNS DE SAÍDA

As persoas participantes deberanse colocar na zona acoutada que lles corresponda na Saída, segundo o dorsal que teñan asignado. Deberán estar nos seus postos non máis tarde de 10 minutos antes do disparo oficial de Saída. Estableceranse polo menos cinco caixóns de saída.

ART. 13. UTILIZACIÓN DE MEDIOS FÍSICOS NATURAIS

As persoas participantes terán que competir cos seus propios medios físicos naturais, sen axudas materiais de ningún tipo fóra das persoas con discapacidade en cadeira de rodas, debidamente inscritas e que cumpran as normas do IPC Athletics. Calquera dúbida con respecto diso deberá ser consultada coa Organización antes de formalizar a inscrición.

Non está permitido o acompañamento en carreira por parte de ningún vehículo alleo á Organización. Nin bicicletas, patíns ou persoas non inscritas na carreira que poidan acompañar, avituallar ou marcar ritmos ás persoas participantes. Así mesmo non se permite a participación con coches ou cadeiras de nenos, animais, nin correr acompañados destes en ningún momento.



ART. 14. AVITUALLAMENTOS

Segundo as normas da I.A.A.F, instalaranse postos de auga a partir do quilómetro 5 e aproximadamente cada 5 quilómetros.

Haberá postos de avituallamento sólido a partir do quilómetro 10, aproximadamente.

Toda persoa participante que desexe utilizar un avituallamento propio deberá entregalo á Organización ata unha hora antes da Saída, debidamente pechado e marcado co seu número de dorsal e punto quilométrico no que quere atopalo.

No caso de que o/a participante queira que o seu avituallamento persoal se lle entregue en man, é a súa responsabilidade designar e situar unha persoa especificamente para esta función. A dita persoa deberá estar acreditada pola organización.

Calquera avituallamento fóra da zona marcada para iso poderá supoñer a descualificación da carreira da persoa infractora.

Así mesmo, poñeranse a disposición dos/as corredores/as colectores suficientes para a recollida dos residuos, que son de uso obrigatorio, polo que a non utilización por parte dos participantes, poderá supoñer a súa descualificación.

ART. 15. SERVICIOS MÉDICOS

A proba disporá dos Servizos Médicos recomendados pola R.F.E.A. e de acordo coa lexislación vixente.

Recomendamos a todas as persoas participantes cubrir a parte posterior do dorsal cos seus datos: nome, apelidos, teléfono en caso de emerxencia, se ten algún problema médico (alerxia, atencións especiais, etc.) ou se está baixo algún tratamento específico, así como o seu grupo sanguíneo.

ART. 16. CONTROL ANTIDÓPING

É obrigado o control antidopaxe no caso de plusmarcas nacionais ou internacionais. A designación será realizada pola persoa Responsable de Control Antidopaxe nomeada pola R.F.E.A., quen terá a potestade de decidir a súa realización.

ART. 17. OUTROS SERVICIOS

A organización porá a disposición das persoas participantes avituallamento de meta, gardarroupas e duchas.

Tamén haberá a disposición dos/as corredores/as baños portátiles na zona de saída e meta, e noutros puntos do circuíto.

Outros servizos complementarios serán o vídeo da chegada a meta, o diploma e a medalla de *finisher*.



ART. 18: CLASIFICACIÓNS

Realizaranse as seguintes clasificacións no Maratón A Coruña 42:

- Clasificación Xeral Absoluta.
- Clasificación por Categorías Masculina e Feminina.

ART. 19: PREMIOS E TROFEOS MARATÓN ATLÁNTICA Č42

CATEGORÍA	HOMES	POSTO	TROFEO	PREMIO	Condición ^(1 e 2)
Absoluta	Si	1º	Si	2.500 €	Realizar 2:12:00 ou menos
Absoluta	Si	2º	Si	1.700 €	Realizar 2:12:00 ou menos
Absoluta	Si	3º	Si	1.250 €	Realizar 2:12:00 ou menos
Absoluta	Si	4º		900 €	Realizar 2:12:00 ou menos
Absoluta	Si	5º		650 €	Realizar 2:12:00 ou menos
Absoluta	Si	6º		450 €	Realizar 2:12:00 ou menos
Absoluta	Si	7º		250 €	Realizar 2:12:00 ou menos
Absoluta	Si	8º		100 €	Realizar 2:12:00 ou menos

⁽¹⁾ No caso de que a marca conseguida sexa igual ou superior a 2:12:01 e menor ou igual a 2:19:59 aplicarase unha rebaixa do 50%..

⁽²⁾ No caso de que a marca conseguida sexa igual ou superior a 2:20:00 a cantidade para percibir quedaría reducida a un 25% da orixinal.

CATEGORÍA	MULLERES	POSTO	TROFEO	PREMIO	Condición ⁽¹⁾
Absoluta	Si	1º	Si	2.500 €	Realizar 2:32:00 ou menos
Absoluta	Si	2º	Si	1.700 €	Realizar 2:32:00 ou menos
Absoluta	Si	3º	Si	1.250 €	Realizar 2:32:00 ou menos
Absoluta	Si	4º		900 €	Realizar 2:32:00 ou menos
Absoluta	Si	5º		650 €	Realizar 2:32:00 ou menos
Absoluta	Sí	6º		450€	Realizar 2:32:00 ou menos
Absoluta	Sí	7º		250 €	Realizar 2:32:00 ou menos
Absoluta	Si	8º		100 €	Realizar 2:32:00 ou menos

1 No caso de que a marca conseguida sexa igual ou superior a 2:32:01 e menor ou igual a 2:49:59 aplicarase unha rebaixa do 50%.

2 No caso de que a marca conseguida sexa igual ou superior a 2:50:00 a cantidade para percibir quedaría reducida a un 25% da orixinal.



ATLETAS CON NACIONALIDADE ESPAÑOLA ⁽¹⁾

CATEGORÍA	HOMES E MULLERES	POSTO	TROFEO	PREMIO
Absoluta	Si	1º	Si	800 €
Absoluta	Si	2º	Si	500 €
Absoluta	Si	3º	Si	250 €

(1) Serán considerados atletas de nacionalidade española aqueles que presenten o correspondente DNI.

ATLETAS GALEGOS

CATEGORÍA	HOMES E MULLERES	POSTO	TROFEO	PREMIO
Absoluta	Si	1º	Si	600 €
Absoluta	Si	2º	Si	300 €
Absoluta	Si	3º	Si	150 €

(1) Serán considerados atletas galegos aqueles que presenten un certificado de empadramento nalgúns dos concellos de Galicia.

ATLETAS CORUÑESES

CATEGORÍA	HOMES E MULLERES	POSTO	TROFEO	PREMIO
Absoluta	Si	1º	Si	150 €

(1) Empadroados no Concello de A Coruña. Para recoller os premios aos mellores coruñeses, estes deberán remitir o certificado de empadramento ao seguinte enderezo de correo electrónico: secretariogeneralfga@gmail.com

PREMIO ESPECIAL RÉCORD DA PROBA (premio acumulable): o atleta que gañe a carreira e que bata a mellor marca da proba tanto na categoría masculina (2h12:21) como na feminina (2h40:23) obterá un premio de 1.000 euros.

Os premios en metálico non serán acumulativos, con excepción do récord da proba. No caso de duplicidade, pagarase a contía máis alta. Para poder recoller os premios será necesario xustificar documentalmente o ano de nacemento dos participantes, por medio do D.N.I., os españois, ou do documento legal en vigor (pasaporte) os estranxeiros.

Co obxecto de poder revisar as condicións estipuladas e atender calquera posible reclamación, a organización resérvase a posibilidade de facer entrega dos premios en metálico a partir do luns seguinte á data da competición. No caso de realizarse un control de dopaxe, os premios económicos quedarán retidos ata a súa resolución oficial.

Os premios en metálico estarán suxeitos ás retencións legais vixentes.

Así mesmo, entregaranse trofeos aos tres primeiros/as clasificados/as de cada unha das categorías indicadas no **Art.6**. Os trofeos son acumulativos.



ART. 20: CLASIFICACIÓNS NO CAMPIONATO DE GALICIA

Realizarase unha clasificación por cada unha das categorías Sub 23, Máster e Absoluto do **Campionato de Galicia**

- Individual homes
- Individual mulleres.
- Clubs

ART. 21: ENTREGA DE PREMIOS

A entrega de premios realizarase ás 14.00 horas:

Os atletas premiados deberán situarse na zona próxima á entrega de premios no momento no que se faga anuncio do seu comezo pola megafonía, así como estar pendentes da chamada a cada unha das categorías.

Con carácter xeral, os atletas que non se presenten á recollida do seu premio no momento da entrega, perderán o dereito a recollelo. Exclusivamente poderán subir ao podio os atletas premiados. Non se entregará o premio a ninguén que non sexa o propio atleta.

Agradecemoslles aos responsables dos clubs, que teñan constancia de que o atleta non está presente, o comuniquen na zona de premiación o antes posible para evitar esperas innecesarias.

Para aqueles que poidan alegar unha causa xustificada pola súa ausencia no momento da entrega, deberán poñerse en contacto co Servizo Municipal de Deportes durante **un prazo máximo de 15 días**, onde se custodiarán os trofeos non recollidos.

ART. 22: RECLAMACIÓNS

Todas as reclamacións deberán facerse verbalmente ao Xuíz Árbitro, localizado na zona de meta, non máis tarde de 30 minutos despois de publicar os resultados oficiais.

ART. 23: DESCUALIFICACIÓNS

Os membros da Organización resérvanse a facultade de retirar da proba o/a atleta que manifeste un mal estado físico, que non lle facilite á Organización a documentación que se lle requira ou os/as corredores/as que non respecten as indicacións da Policía Local, Protección Civil, xurado, servizos médicos ou membros da organización debidamente identificados.

Os xuíces da proba terán a facultade de descualificar a/o infractor que non leve visible o seu dorsal, que o manipule e/ou ceda a outro, altere os datos facilitados á organización con respecto aos que figuren no seu DNI ou ficha federativa, non complete o percorrido completo, ou incumpra calquera outra norma contemplada nas normas da FGA, RFEA e IAAF.

As persoas corredoras descualificadas non terán opción aos premios e trofeos.



ART. 24: RESPONSABILIDADE

A persoa participante declara, baixo a súa responsabilidade, realizarse o oportuno recoñecemento médico que lle permite estar en condicións óptimas para realizar a proba, e exime a organización da devandita responsabilidade.

A organización dispón dun Seguro de Accidentes e Responsabilidade Civil que cubrirá as incidencias inherentes á proba.

ART. 25: LOPD

Ao realizaren a inscrición, todos os/as corredores/as aceptan a publicación do seu nome e imaxe nas clasificacións, medios de comunicación e/ou internet. Mediante a inscrición, o participante consinte expresamente que seus datos sexan utilizados polo Concello da Coruña e a Federación Galega de Atletismo para comunicacións sobre as súas actividades. En todo caso, de conformidade co establecido no artigo 5 da Lei Orgánica 15/1999, infórmase que os datos de carácter persoal declarados pasarán a formar parte de:

- a) Un **ficheiro denominado INSTALACIÓNS DEPORTIVAS**, do que o responsable do tratamento será o Concello da Coruña, dos que as finalidades e usos previstos serán os seguintes: xestión centralizada das instalacións deportivas municipais, das actividades impartidas nelas e do uso de instalacións. Todos os participantes ao realizar a inscrición aceptan a publicación do seu nome e imaxe nas clasificacións, medios de comunicación e/ou internet. Autorízase a tomar imaxes sempre que se utilicen para a promoción e difusión de ditas actividades, así como a utilización do móbil e correo electrónico como forma de aviso e comunicación por parte do Servizo Municipal de Deportes.

Os dereitos de acceso, rectificación, cancelación e oposición aos datos persoais rexistrados neste ficheiro poderanse exercer ante o Rexistro Xeral do Concello da Coruña (Prz. María Pita, 1) nos termos establecidos nos artigos 15, 16 y 17 de dita Lei Orgánica.

- b) Un ficheiro cuxo responsable do tratamento sexa a Federación Galega de Atletismo, e cuxa finalidade será a xestión de actividades deportivas realizadas baixo a responsabilidade da Federación Galega de Atletismo.

Os dereitos de acceso, rectificación, cancelación e oposición aos datos persoais rexistrados neste ficheiro se poderán exercer ante a Federación Galega de Atletismo (Praza Agustín Díaz, 1. Complexo Deportivo de Elviña), nos termos establecidos nos artigos 15, 16 y 17 da LOPD.



Č42 Maratón
Atlántica



- c) Esta proba pertence ao calendario oficial da Real Federación Española de Atletismo e mediante a súa inscrición o corredor consinte expresamente que os seus datos básicos (Nome, Apelidos, NIF/NIE/Pasaporte, Data de Nacemento, Sexo e Código Postal de residencia), sexan remitidos á Real Federación Española de Atletismo para a xestión das licenzas de día, resultados e ranking.

A posesión da licenza garante que o corredor participa cuberto por un seguro de responsabilidade civil e de accidentes.

Os dereitos de acceso, rectificación, cancelación e oposición aos datos persoais rexistrados neste ficheiro poderanse exercer ante Real Federación Española de Atletismo (Avenida Valladolid, 81, 1ª – 28008 Madrid) nos termos establecidos nos artigos 15, 16 y 17 de dita Lei Orgánica.

ART. 26: COMPROMISO

A inscrición na carreira implica a plena aceptación do presente regulamento.

ART. 27: CAMBIOS NO REGULAMENTO

A organización resérvase o dereito de realizar algún cambio no presente regulamento se así o considerara, debendo comunicalo na web e na información ás persoas participantes.

CONSIDERACIÓN FINAL

Todo o non reflectido no presente regulamento, rexeráse por esta orde, polas normas da FGA, RFEA e da IAAF.



ANEXO: CARREIRA 10km

Todos os artigos non especificados neste anexo acolleranse ao Regulamento Xeral da Maratón Atlántica C42.

a) **SAÍDA E PERCORRIDO:** A carreira de 10 km. compartirá percorrido co Maratón e efectuarase a saída ás 08:45 h pechándose o control ás 10:15 h.

b) **PRAZOS E COTA DE INSCRICIÓN:**

PRAZOS	COTA
Ata as 23:59 horas do 1 de abril de 2018	5 €
Prazo extraordinario: do 2 ao 8 de abril de 2018	15

c) **INSCRICIÓN EN LIÑA:** A través da pasarela de pago inserida na páxina online da Federación Galega de Atletismo www.carreirasgalegas.com. Estará operativa dende a publicación deste regulamento, **ata as 23:59 horas do 8 de abril de 2018**.

c) **INSCRICIÓN PRESENCIAL:** Cubrindo a folia de inscrición e abonando a correspondente cota, no Departamento de Deportes do Corte Inglés. Informarase da localización dos centros e datas de inscrición.

d) **CATEGORÍAS:**

CATEGORÍA	ANO DE NACEMENTO
Sub 23	1996-1997-1998
Sub 20	1999-2000
Sénior	Dende 1995 e anteriores ata veteranos.
Máster 1	De 35 a 40 anos cumpridos ata o día da proba.
Máster 2	De 41 a 49 anos cumpridos ata o día da proba.
Máster 3	De 50 a 59 anos cumpridos ata o día da proba.
Máster 4	A partir de 60 anos cumpridos ata o día da proba.
Discapacitados en cadeira de rodas	Nados/as en 2000 e anos anteriores

e) **CLASIFICACIÓNS:**

- Clasificación Xeral Absoluta
- 3 Primeiros clasificados de cada categoría

f) **AVITUALLAMENTO:** Instalarase un posto de avituallamento entre o Km. 6 e 7 da proba de 10 Km. e ao pasar a liña de meta.

g) **ENTREGA DE PREMIOS:** A entrega de premios da carreira 10K, realizarase ás 11:30 h. na Praza de María Pita.

Todo o non reflectido no presente regulamento rexerese por esta orde, polo Regulamento Xeral da Maratón C42, polas normas de FGA, RFEA e da IAAF.